

四庫全書

子部

欽定四庫全書

子部

幾何論約卷一之首至
三

詳校官欽天監天文生臣司廷棟

靈臺郎臣倪廷梅覆勘

總校官降調編修臣倉聖脉

校對官管寧臺郎臣陳際新

謄錄監生臣王宮

繪圖監生臣林臯

欽定四庫全書

子部六

幾何論約

天文算法類二

算書之屬

提要

臣等謹案幾何論約七卷

國朝杜知耕撰知耕字臨甫號伯瞿柘城人是
編取利瑪竇與徐光啟所譯幾何原本復加
刪削故名曰論約考光啟於幾何原本之首
冠雜議數條有云此書有四不必不必疑不

必揣不必試不必改有四不可得欲脫之不可得欲馭之不可得欲減之不可得欲前後更置之不可得知耕乃刊削其文似乎蹈光啟之所戒然讀古人書者往往各有所會心當其獨契不必喻諸人人併不必印諸著書之人幾何原本十五卷光啟取其六卷薩幾里得以絕世之菰傳其國遞校之秘法其果有九卷之冗贅待光啟去取乎亦各取其所

欲取而已知耕之取所欲取不足異也梅文
鼎算術造微而所著幾何摘要亦有所去取
於其間且稱知耕是書足以相證則是書之
刪繁舉要必非漫然矣乾隆四十六年九月
恭校上

總纂官臣紀昀臣陸錫熊臣孫士毅

總校官臣陸費墀

原序

凡物之生有理有形有數三者妙於自然不可言合何有於分顧從來語格物者每詳求理而略形與數其於數雖有九章之術求其精確已苦無傳書至論物之形則絕無及者孟子曰繼之以規矩準繩以為方圓平直不可勝用意古者公輸墨翟之流未嘗不究心於此而特未及勒為一家之言與然不可考矣嘗竊論之理為物原數為物紀而形為物質形也者理數之相

附以立者也得形之所以然則理與數皆在其中不得其形則數有窮時而理亦杳渺而不安非理之不足恃蓋離形求理則意與象睽而理為無用即形求理則道與器合而理為有本也幾何原本一書創於西洋歐吉里斯自利瑪竇攜入中國而上海徐元扈先生極為表章譯以華文中國人始得讀之其書囊括萬象包羅諸有以為物之形有短長有濶狹有厚薄短長曰線濶狹曰面厚薄曰體以三者提其大綱而曲直相參斜

正相求方員相準多寡相較輕重相衡以虛例實用小
該大自近測遠參之伍之錯之綜之物之形得而無闕
數無遁理矣顧其書雖存而習者卒鮮即稍窺其藩亦
僅以為厯學一家之言不知其用之無所不可也友人杜子
端甫東髮好學於天文律厯軒岐諸家無不該覽極
深湛之思而歸於平實非心之所安事之所驗雖古
人成說不敢從也其於是書尤沛然有得以為原書
義例條貫已無可議而解論所繫間有繁多讀者

難則知者少矣於是為之刪其冗複存其節要解取詰
題論取發解有所未明間以己意附之多者取少迂者
取徑使覽者如指掌列眉庶人不苦難而學者益多
既成徵序於予予謏陋何能為役然念先君子嘗精
研此書弗釋卷不肖總角時每聞其略今愧不能紹
前業讀杜子書而附名末議尤所欣願者故為述其大
意以應杜子之請而因為之言曰今藝學之榛荒久矣即
以律歷論二者雖同出於數然各有本末不必強同漢魏

以來務為牽合了無確義至天文一家尤多穿鑿凡日月
交食五星凌犯有所弗通不咎推步之失反誣天行之
錯以致批根人事除翦無辜翕張政刑不可殫述蓋不
徒時刻愆期分秒失算而已是豈非學而不實之過哉
若捨去一切傳會揣合之說而以幾何之學求之則數以
象明理因數顯渙然水釋無往不合即推而廣之凡量
高測遠授土工治河渠以及百工技藝之巧日用居室
之微無一之可離者然則此書誠格致之要論藝學之

津梁也今夫釋迦之學亦來自西域中更劉宋蕭梁
諸人翻演妙諦轉涉懸渺然終屬搏沙無裨實用中
國人猶嗜之不啻饑渴幾何一書絕非其倫徐利二公
一本平實杜子所述更歸捷簡學者輟其章句詞賦之
功假十一於千百數日間可得之亦何憚而不一觀與杜
子先有數學鑰六卷已行於世正與幾何家相為表
裏合二書評之皆潔淨精實幾於不能損益一字語
不云乎言之無文行之不遠吾以為言之不簡不可為文

簡而不該不可為簡請以此語贊兩書讀之者既得
其簡即得其該其於是道也庶幾哉吳學顥序

--	--	--	--	--	--	--	--

原序

幾何原本者西洋歐吉里斯之書自利氏西來始傳其學元扈徐先生譯以華文歷五載三易稿而後成其書題題相因由淺入深似晦而實顯似難而實易為人不可不讀之書亦人人能讀之書故徐公嘗言曰百年之後必人人習之即又以為習之晚也書成於萬歷丁未至今九十餘年而習者尚寥寥無幾其故何與蓋以每題必先標大綱繼之以解又繼之以論多者千言少者亦不下

百餘言一題必繪數圖一圖必有數線讀者須凝精聚
神手誌目顧方明其義精神少懈一題未竟已不知所
言為何事習者之寡不盡由此而未必不由此也若使
一題之蘊數語輒盡簡而能明約而能該篇幅既短
精神易括一目了然如指諸掌吾知人人習之恐晚矣
或語余曰子盍約之余曰未易也以一語當數語聰穎
者所難而況魯鈍如余者乎雖然試為之於是就其原
文因其次第論可約者約之別有可發者以已意附之解

已盡者節其論題自明者併節其解務簡省文句期合
題意而止又推義比類復綴數條於末以廣其餘意
既畢事爰授之梓以就正四方倘摘其謬刪其繁補
其遺漏尤余所厚望焉杜知耕序

欽定四庫全書

幾何論約卷一之首

柘城杜知耕撰

界說三十六則

凡造論先當分別解說論中所用名目故作界說

一界點無長短廣狹厚薄

二界線有長短無廣狹厚薄

線有直有曲

三界線之界是點

四界直線止有兩端兩端之間上下更無一點

五界面有長短廣狹而無厚薄

六界面之界是線

七界平面一面平在界之內

八界平角兩直線于平面縱橫相遇處如甲乙乙丙

兩線所作不以線之大小較論

凡言角連用三字中間一



字為所指之角如稱甲乙丙角乃指乙角而言也

九界直線相遇作角為直線角本書中所論皆是直

線角角有三等一直線角

二曲線角三雜線角



直線



曲線



曲線



曲線



雜線



雜線

十界甲乙縱線加丙丁橫線上乙左右作兩角相等




而直

角方中
矩曰直

則甲乙為丙丁之垂線

十一界凡角大于直角曰鈍角

如甲乙
丙角



十二界凡角小于直角曰銳角

如前圖甲
乙丁角

十三界界者一物之始終今所論有三界點為線之
界線為面之界面為體之界體不可為界

十四界形或在一界

如平圓立
圓等形

或在多界之間

如平
方立

方及平立三角
六角八角等形

十五界圓自界至心任作幾許直線俱等

十六界圓之中處為心

十七界自圓之一界作一直線過中心至他界為圓
徑徑分圓為兩平分

十八界徑線與半圓界所作形為半圓

十九界在直線界中之形為直線形

二十界在三直線界中之形為三邊形

二十一界在四直線界中之形為四邊形

二十二界在多直線界中之形為多邊形

二十三界三邊形三邊線等為平邊三角形

二十四界三邊形兩邊線等為兩邊等三角形

二十五界三邊形三邊俱不等為三不等三角形

二十六界三邊形有一直角為三邊直角形

二十七界三邊形有一鈍角為三邊鈍角形

二十八界三邊形三角皆銳為三邊銳角形

凡三邊形恒以

在下者為底
兩旁者為腰

二十九界四邊形四邊俱等而角直為直角方形

三十界直角形其角皆直其邊兩兩相等

三十一界斜方形四邊等而非直角

三十二界長斜方形其邊兩兩相等而非直角

三十三界已上四種謂之有法四邊形四種之外他

方形皆謂之無法四邊形

三十四界兩直線

如甲乙丙
丁兩線

于同面行至無窮不相

離亦不相遠而不相遇為平行線

甲——乙
丙——丁

三十五界一形每兩邊有平行線

甲丙與乙丁平行
甲乙與丙丁平行

為平行方形



三十六界凡平行方形于對角作直線又于兩邊縱

橫各作平行線遇對角線于壬即分此形為



四平行方形其兩形有對角線者已辛庚為

角線方形其兩形無角線者丁壬壬為餘方形乙甲

丙丁方形今止稱為
丁乙方形省文也

求作四則求作者不得
言不可作

一求自此點至彼點求作一直線

二求一有界直線求從一界引長之成一直線

三求不論大小以點為心求作圓

四求設一度于此求作彼度較此度或大或小

凡言度者

或線或面
或體皆是

公論十九則

公論者
不可疑

一論設有多度彼此俱與他等則彼與此自相等

二論有多度等若所加之度等則合并之度亦等

三論有多度等若所減之度等則所存之度亦等

四論有多度不等若所加之度等則合并之度不等

五論有多度不等若所減之度等則所存之度不等

六論有多度俱倍于此度則彼多度俱等

七論有多度俱半于此度則彼多度俱等

八論有二度自相合

謂以此度加于彼度之上而自相合

則兩度必等

九論全大于其分

十論直角俱相等

十一論有甲乙丙丁兩橫線任作一戊己縱線或正

或偏若戊己線旁同方兩角俱小于直角或

兩角并小于兩直角則兩橫線愈長愈相近



必有相遇處

十二論兩直線不能為有界之形

十三論兩直線止能于一點相遇

十四論有甲乙丙丁兩度等若于甲乙加乙戊于丙

戊庚乙
甲

已丁丙丁加丁已所加兩度不等則合并之差與所

加之差等謂甲戊之大于丙已與乙戊之大于丁

已同一戊庚也

十五論有戊乙丁已兩度不等若于戊乙加乙甲于

戊庚乙
甲

已丁丙已丁加丁丙所加兩度等則合并所贏之度

與元所贏之度等謂戊甲之大于己丙與戊乙之
大于己丁同一庚戌也

十六論有甲乙丙丁兩度等若于甲乙減戊乙于丙
乙庚戌
丁己丙丁減己丁所減兩度不等則餘度所贏之度

與減去所贏之度等謂乙戌之大于己丁與丙己
之大于甲戌同一庚戌也

十七論有甲戌丙己兩度不等若于甲戌減甲乙于
戊庚戌
乙丁丙丙己減丙丁所減兩度等則餘度所贏之度

與元所贏之度等謂乙戌之大于丁己與甲戌之

大于丙巳同一庚戌也

十八論全與諸分之并等

十九論有二全度此全倍于彼全若此全所減之度

倍于彼全所減之度則此較

相減之餘曰較

亦倍于彼較

設此度二十彼度十于二十減六于十減三則此較十四彼較七


欽定四庫全書

幾何論約卷一

柘城杜知耕撰

一題

有界直線上求立平邊三角形



法曰甲乙直線上求立平邊三角形
形先以甲為心乙為界作丙乙丁
圓次以乙為心甲為界作丙甲丁
圓兩圓相交于丙丁末作甲丙乙丙兩線即甲

乙丙為平邊三角形

論曰兩圓既等甲乙乙丙丙甲三線皆圓之半徑

故等

界說十五



用法不必作全圓但作短界線相交處即得丙

下圖

二題

一直線或內或外有一點求以點為界作直線與元線等

法曰有甲點及乙丙線求以甲為界作一線與乙丙等先以丙為心乙為界作乙戊圓次觀甲點若



在丙乙之外則作甲丙線
如上圖或甲點在丙乙之
內則截取甲丙線如下圖

兩法俱以甲丙線為底作甲丁丙平邊三角形

本卷

一次引丁丙至乙戊圍界為丙戊引丁甲出圍界
外稍長為甲巳末以丁為心戊為界作辛戊圍其
丁巳線與辛戊圍相交于庚即甲庚與乙丙等

論曰丁戊丁庚同為外圍半徑故等丙戊丙乙同
為內圍半徑亦等于丁庚減丁甲于丁戊減丁丙

其所減兩腰等則所存必等

三 公論


夫甲庚既等于

丙戌即等于丙乙矣

若所設甲點在丙乙線之一界其法尤易若甲點在丙即以丙為心作乙戌圓從丙至戌即所求

三題

長短兩直線求于長線減去短線之度



法曰甲短線乙丙長線求于乙丙減甲

先作乙丁線與甲等次以乙為心丁為

界作圓圓界交乙丙于戊即乙戌與等甲之乙丁

等蓋乙丁乙戊同心同圓故也

界說十五


四題

兩三角形若相當之兩腰各等各兩腰間角等則兩底必等而兩形亦等其餘各兩角相當者俱等

解曰甲乙丙丁戊已兩角形甲與丁兩角等甲丙

與丁已兩線甲乙與丁戊兩線各等

題言乙丙與戊已兩底必等而兩角



形亦等乙與戊兩角丙與已兩角俱等

三角形稱為角形省

也文

五題

三角形若兩腰等則底線兩端之兩角等而兩腰引出之其底之外兩角亦等



解曰甲乙丙角形其甲丙與甲乙兩腰等
題言甲丙乙與甲乙丙兩角等又引甲丙
至戊引甲乙至丁其乙丙戊與丙乙丁兩外角亦
等

增凡三邊等形其三角俱等

六題

三角形若底線兩端之兩角等則兩腰亦等

七題

一線為底出兩腰線其相遇止有一點不得別有腰線與元腰線等而于此點外相遇




解曰乙丙線為底于乙于丙各出一線至甲點相遇不得于乙上更出一線與甲乙等丙上更出一線與甲丙等而不于甲相遇

八題

兩三角形若相當之兩腰各等兩底亦等則兩腰間

角必等



解曰甲乙丙丁戊己兩角形其甲乙與丁戊兩腰甲丙與丁己兩腰各等乙丙


與戊己兩底亦等題言甲丁兩角必等

系本題止論甲丁兩角若旋轉依法論之即三角皆同可見凡線等角必等不可疑也

九題

有直線角求兩分之

法曰乙甲丙角求兩平分之先于甲乙線任截一



分為甲丁次于甲丙截甲戊與甲丁等


次作丁戊線次以丁戊為底立丁己戊

平邊三角形

一本卷一

末作甲己線即乙甲丙角為兩

平分



用法如前截取甲丁甲戊即以丁為心
向乙丙間作一短界線次用元度以戊

為心亦如之兩界線交處即得己

一本卷一

十題

一有界線求兩平分之

法曰甲乙線求兩平分先以甲乙為底作甲乙丙

兩邊等三角形

一本卷一

次平分丙角


一本卷九

作丙



丁線即平分甲乙于丁

用法以甲為心任用一度但須長于甲乙線之半



向上向下各作一短界線次用元度以乙為心亦如之兩界線交處即丙丁末作丙

丁線即平分甲乙于戊

十一題

一直線任于一點上求作垂線

法曰甲乙直線任指丙點求作垂線先任用一度



于丙左右各截一界為丁為戊次以丁戊為

底作丁巳戊兩邊等角形

一本卷一

末作巳丙線

即為甲乙之垂線




用法于丙點左右如前截取丁與戊即以丁

為心任用一度但須長于丙丁線向丙上方

作短界線次用元度以戊為心亦如之兩界


線交處即巳

增若所欲立垂線之點在線末甲界上甲外無餘



線可截則于甲乙線上任取丙點如前法于丙上
立丁丙垂線次平分甲丙丁角為己丙線次于丁
丙線截取戊丙與甲丙等次于戊上立垂
線與己丙線相遇于庚末自庚作庚甲線
為所求

論曰庚丙甲庚丙戊兩角形等甲與戊兩角必等
戊既直角則甲亦直角故庚甲為甲乙之垂線
用法甲點上欲立垂線先以甲為心向元線上方
任抵一界為丙次用元度以丙為心作大半圓圓



界遇甲乙線于丁次自丁至丙作直線
引長至戊過圓界于己末作己甲線為
所求

耕曰丁己既過丙心即是圓徑而已甲丁則全圓
之半也丁甲己角既負半圓必為直角
三卷故己
甲為甲乙之垂線

十二題

有無界直線之外有一點求自點作垂線至直線上
法曰甲乙線外有丙點求自丙作垂線至甲乙先




以丙為心作一圓令兩交于甲乙線為丁
為戊次作丙丁丙戊兩線次平分丁戊于
巳本卷末作丙巳為所求



用法以丙為心向直線兩處各作短界線為甲為
乙次用一度以甲為心向丙點相望處作
短界線乙為心亦如之兩界線交處為丁
末作丙丁交直線于戊即丙戊為垂線

又用法于甲乙線上近甲或近乙任取一點為心
以丙為界作一圓界于丙點及相望處各稍引長



之次于甲乙線上視前心或相望如上圖或進或退如下圖任移一點為心以丙為界作一圓

界與前圓界交處得丁末作丙丁線交甲乙線于

戊即丙戊為垂線

若近界作垂線無可截取亦用此法

十三題

一直線至他直線上所作兩角非直角即等于兩直角

解曰甲乙線至丙丁線上作甲乙丙甲乙丁兩角



題言此兩角若非直角即一銳一鈍而并之

兩等子兩直角

論曰試作戊乙垂線

本卷十一

則成戊乙丁戊乙丙兩

直角甲乙丁角加一戊乙甲角與戊乙丁直角等

甲乙丙角減一戊乙甲角與戊乙丙直角等故甲


乙丁甲乙丙兩角并與兩直角等

十四題

一直線于線上一點出不同方兩直線偕元線每旁

作兩角若旁兩角與兩直角等即後出兩線為一直

線



解曰甲乙線于丙點上左出一線為丙丁右
出一線為丙戊若甲丙戊甲丙丁兩角與兩

直角等題言丁丙與丙戊是一直線


論同
前題

十五題

凡兩直線相交作四角每兩交角必等

解曰甲乙丙丁兩線相交于戊題言甲戊丙丁戊

乙兩角甲戊丁丙戊乙兩角各等



論曰兩直線相交則甲戊丁丁戊乙必等于

兩直角甲戊丁甲戊丙亦等于兩直角

本卷十三是甲

戊丁丁戊乙兩角並與甲戊丁甲戊丙兩角並等
矣試減同用之甲戊丁角所存丁戊乙甲戊丙兩
角必等餘兩角亦同此論

一系推顯兩直線相交作四角與四直角等

二系凡直線相交于一點不論幾許線幾許角定
與四直角等

增題一直線內出不同方兩直線而所作兩交角

等即後出兩線為一直線

理同本題
反言之

十六題

凡三角形之外角必大于相對之各角



解曰甲乙丙角形自乙甲線引至丁題言

丁甲丙外角必大于相對之甲乙丙甲丙

乙內角

論曰試以甲丙平分于戊作乙戊線引長之從戊
截取戊己與乙戊等次作甲己線成甲戊己戊乙

丙兩角形其戊己與戊乙戊甲與戊丙各等甲戊

己乙戊丙兩交角又等

本卷十五

則甲己與乙丙兩底



亦等

四本卷

而已甲戌與戊丙乙兩角亦等

矣夫已甲戌乃丁甲丙之分則丁甲丙大
于已甲戌亦大于相等之戊丙乙矣依前
推顯庚甲乙大于辛乙丙庚甲乙又與丁甲丙兩
交角相等

十五本卷

是丁甲丙亦大于辛乙丙矣

十七題

凡三角形之每兩角必小于兩直角



直
角

解曰甲乙丙角形題言每兩角并俱小于兩

論曰試引丙乙至丁甲乙丙甲乙丁兩角并與兩

直角等

本卷十三

而甲乙丁外角必大于甲丙乙內角

本卷十六

是甲乙丙與甲丙乙兩角并小于兩直角矣

餘二角倣此

十八題

凡三角形大邊對大角小邊對小角



解曰甲乙丙角形之甲丙邊大于甲乙邊

乙丙邊題言甲乙丙角大于甲丙兩角

論曰試于甲丙線上截甲丁與甲乙等作乙丁線

則甲乙丁與甲丁乙兩角等矣

本卷五

夫甲丁乙角

者乙丙丁角形之外角必大于相對之丁丙乙內

角

本卷十六

則甲乙丁角亦大于甲丙乙角而況甲乙

丙又函甲乙丁于其中不更大于甲丙乙乎如乙

丙邊大于甲乙邊則甲角亦大于丙角依此推顯

十九題

凡三角形大角對大邊小角對小邊

二十題

凡三角形之兩邊并必大于一邊

二十一題


凡三角形于一邊之兩界出兩線復作一三角形在其內則內形兩腰并必小于相對兩腰并而後兩線所作角必大于相對角



解曰甲乙丙角形于乙丙邊之兩界各出一線遇于丁題言丁丙丁乙兩線并必小于甲乙甲丙并而乙丁丙角必大于乙甲丙角

二十二題

三直線其每兩線并大于一線求作三角形



法曰甲乙丙三線其第一第二線并大

于第三線

若兩線比第三線或等或小即不能作三角形見本卷二

十求作三角形先任作丁戊線長于三

線并次截丁巳與甲等截巳庚與乙等

截庚辛與丙等次以巳為心丁為界作丁壬癸圈

以庚為心辛為界作辛壬癸圈其兩圈相遇下

為壬上為癸末以庚巳為底作癸庚癸巳兩線即

得巳癸庚三角形

壬點亦可作若兩圈不相交即是兩線或等或小于第三線

不成三角
形



用法先作丁戊線與乙等次以丁為心甲為度向上作短界線次以戊為心丙為度亦如


之交處得己未作己丁己戊兩線為所求

若設一三角形

求別作一形與之等亦用此法

二十三題

一直線任于一點上求作一角與所設角等




法曰甲乙線于丙點求作一角與丁戊己角等先任作庚辛線成庚戊辛角形

次依甲乙線作丙壬癸角形與戊庚辛等

本卷二二

二十四題

兩三角形相當之兩腰各等若一形之腰間角大則底亦大



解曰甲乙丙與丁戊庚兩角形其甲乙與丁戊兩腰甲丙與丁庚兩腰各等若甲角大于戊丁庚角題言乙丙底亦大于戊庚底耕曰設丁戊已與甲乙丙形等則角與底必俱等若丁已線開至辛甲角小于丁角而乙丙底亦必小于戊辛底若丁已線斂至庚甲角大于丁角而

乙丙底亦大于戊庚底


二十五題

兩三角形相當之兩腰各等若一形之底大則腰間角亦大

二十六題

兩三角形有相當之兩角等及相當之一邊等則餘兩邊必等餘一角亦等其一邊不論在兩角之內及一角之對

解曰甲乙丙形之乙丙兩角與丁戊己形之戊己




兩角各等或兩角內之乙丙邊與戊己邊等或對丙角之甲乙邊與對己角之

丁戊邊等題言兩形之餘兩邊一角必俱等

二十七題

兩直線有他直線交加其上若內相對兩角等即兩直線必平行




解曰甲乙丙丁兩直線加他直線戊己交于庚于辛而甲庚辛與丁辛庚兩角等題言甲乙丙丁兩線必平行

論曰如不平行兩線必相遇于壬戌庚辛壬三角
形則甲庚辛外角宜大于相對之庚辛壬內角
本卷
六若兩角等則兩線必平行

二十八題

兩直線有他直線交加其上若外角與同方相對之
內角等或同方兩內角與兩直角等即兩直線必平
行

解曰甲乙丙丁兩直線加他直線戊己交于庚于
辛題言若戊庚甲外角與同方相對之庚辛丙內



角等則兩線必平行又言若甲庚辛與丙辛
庚同方兩內角并與兩直角等則兩線必平
行

二十九題

兩平行線有他直線交加其上則內相對兩角必等
外角與同方相對之內角亦等同方兩內角亦與兩

直角等

義同上二
題反言之

三十題


兩直線與他直線平行則元兩線亦平行

此題所指
線在同面

者不同而線
後別有論

三十一題

一點上求作直線與所設直線平行



法曰甲點求作直線與乙丙平行先從甲向

乙丙線任作甲丁線即乙丙線上成甲丁乙

角次于甲點上作一角與甲丁乙等

本卷
二三


為

戊甲丁引長戊甲至己即己戊為所求


論曰戊甲丁甲丁乙相對之兩內角等兩線必平

行 本卷
二八

用法先從甲點作甲丁線次以丁為心任作
戊己圓界次用元度以甲為心作庚辛圓界
少長于戊己次取戊己度截庚辛圓界于辛
未作甲辛線為所求



又用法以甲點為心于乙丙線近乙處任作短界線為丁次用元度以丁為心于乙丙線向丙作短界線為戊次用元度以戊為心向




又用法取甲至乙丙線為度于乙丙線近乙處任指一點為心作短界線于甲次用元度近丙處任指一點為心作短界線于丁末作

丁甲線為所求

出幾何要法

增從此題生一用法設一角兩線求作四邊形有角與所設角等



法曰先作已丁戊角與丙等次截丁戊與甲等已丁與乙等末依丁戊平行作已庚依丁已平行作庚戊為所求

三十二題

二支

凡三角形之外角與相對之內兩角并等凡三角形之內三角并與兩直角等

先解曰甲乙丙角形乙丙邊引至丁題言甲丙丁外角與甲乙兩內角并等



論曰試作戊丙線與甲乙平行即甲丙為甲

乙戊丙之交加線則乙甲丙角與相對之甲丙戊

角等

本卷二九

又乙丁與兩平行線相遇則戊丙丁外

角與相對之乙丙角等

本卷二九

故甲丙丁外角與甲

乙兩內角并等

後解曰甲乙丙三角并與兩直角等

論曰甲丙乙甲丙丁兩角并與兩直角等

本卷
十三

又與甲乙丙三角并等是三角亦與兩直角等

增從此推知第一形當兩直角第二形

可分三
角形二當



四直角第三形

可分三
角形三當六

直角第四形

可分三
角形四當八直

角從此可推至無窮

耕曰不論何形凡形四邊可當四直角五邊可當

六直角六邊可當八直角七邊可當十直角從此可推至無窮

一系凡諸種角形之三角并俱相等

二系凡兩腰等角形若腰間直角則餘兩角每當直角之半腰間鈍角則餘兩角俱小于半直角腰間銳角則餘兩角俱大于半直角

三系平邊角形每當直角三分之二

四系甲乙丙平邊角形以甲丁垂線分之其丁甲丙丁甲乙兩角每當直角三分之一乙丙兩角每

當直角三分之二



增從三系可分一直角為三平分如甲乙丙

直角于甲乙線上作甲乙丁平邊角形

本卷一



次平分甲丁于戊

本卷九

末作乙戊線

三十三題

兩平行相等線有兩線聯之其兩線亦平行亦相等

三十四題

凡平行線方形每相對兩邊線各等每相對兩角各等對角線分本形兩平分

解曰甲乙丙丁平行方形題言甲乙與丙丁



兩線甲丙與乙丁兩線各等又言乙與丙兩角丁與甲兩角各等又言若作甲丁對角線即分本形為兩平分

三十五題


兩平行方形若同在平行線內又同底則兩形必等

解曰甲乙丙丁兩平行線內有丙丁戊甲與丙丁


乙己兩平行方形同丙丁底題言兩形等

等者謂所涵之

地等後言形等者多倣此



先論已點在甲戊之內曰甲戊己乙兩線等
試于兩線各減己戊餘甲己戊乙亦等因顯
甲丙己戊丁乙兩角形亦等本卷次于兩角
形每加一丙丁戊己四邊形即丙丁戊甲丙丁乙
已兩方形安得不等




次論已戊同點曰甲丙戊戊丁乙兩角形等次于
兩角形每加一丙戊丁角形即丙丁戊甲與
丙丁戊乙兩方形故等
後論已點在甲戊之外曰甲戊己乙兩線等

而每加一戊己線即甲己與戊乙兩線亦等因顯

己甲丙乙戊丁兩角形亦等次每減一己戊庚角

形加一庚丁丙角形即丙丁戊甲與丙丁乙

己兩方形故等




三十六題

兩平行線內有兩平行方形若底等則形亦等

解曰甲乙丙丁兩平行線內有甲丙戊己與

庚辛丁乙兩平行方形而丙戊與辛丁兩底



等題言兩形亦等

論曰試作丙庚戌乙兩線成庚丙戌乙方形此形與庚辛丁乙方形同庚乙底必等與甲丙戌巳方形同丙戌底亦等

本卷三五

即甲丙戌巳與庚辛丁乙兩方形自相等

三十七題

兩平行線內有兩三角形若同底則兩形必等

三十八題

兩平行線內有兩三角形若底等則兩形必等

耕曰三角形當等高等底方形之半兩方形等則兩角形必亦等論同前二題平行方形

增甲乙丙角形任于乙丙邊平分于丁作丁甲線

即分本形為兩平分




論曰試于甲角上作直線與乙丙平行則甲

乙丁甲丁丙兩角形在平行線內兩底等則兩形

亦等

二增甲乙丙角形從丁點求兩平分法先作丁甲

線次平分乙丙于戊作戊己線與甲丁平行末作



巳丁線即分本形為兩平分

論曰試作甲戊直線即甲戊巳巳丁戊兩角
形在平行線內同巳戊底必等而每加一巳
戊丙形則巳丁丙與甲戊丙兩角形亦等夫甲戊
丙為甲乙丙之半則巳丁丙亦甲乙丙之半

三十九題

兩三角形其底同其形等必在兩平行線內

四十題


兩三角形其底等其形等必在兩平行線內

四十一題

兩平行線內有一平行方形一三角形同底則方形倍大于三角形

四十二題

有三角形求作平行方形與之等而方形角有與所設角等



法曰求作平行方形與甲乙丙角形等而有

丁角先平分乙丙邊于戊次作丙戊己角與

丁等

本卷


次作甲庚直線與乙丙平行末作

丙庚線與戊己平行即得己戊丙庚方形為所求

四十三題

凡方形對角線旁兩餘方形自相等

解曰甲乙丙丁方形有甲丙對角線題言兩旁之壬戌與丁庚兩餘方形自相等




論曰甲乙丙丁兩角形等又甲戊庚
甲庚辛兩角形庚壬丙庚丙己兩角形各
等于甲乙丙形內減甲庚戊庚壬丙兩形

于甲丙丁形內減甲庚辛庚丙己兩形則所存壬

戊丁庚兩餘方形安得不等

四十四題

一直線上求作平行方形與所設三角形等而方形角有與所設角等



法曰求于甲線上作平行方形與乙等而有丙角
先作巳丁方形與乙等而戊巳庚角與丙等次引
長丁戊庚巳兩線為戊壬巳辛令各
與甲等次作壬巳對角線引出之次
引長戊巳丁庚兩線而丁庚遇對角

線于癸末作癸子與庚辛平行作壬子與戊丑平

行即巳丑子辛平行方形為所求

論同本卷
四二四三

四十五題


有多邊直線形求作一平行方形與之等而方形角有與所設角等

法曰求作平行方形與甲乙丙五邊形等而有丁

角先分五邊形為甲乙丙三三角形

次作戊巳庚辛方形與甲等而有丁

角次引長戊辛巳庚作庚辛壬癸方




形與乙等而有丁角末復引前線作壬癸子丑方形與丙等而有丁角即此三形并成一平行方形

為所求

自五以上倣此法論
同本卷四二四四

增題甲乙兩形甲大乙小以乙減甲求較幾何法



先任作丁丙巳戊方形與甲等次于丙丁
線上作丁丙辛庚方形與乙等即得辛庚
戊巳為甲乙相減之較

四十六題

一直線上求立直角方形





法曰甲乙線上求立直角方形先于甲乙兩
界各立垂線為丙甲丁乙皆與甲乙線等末
作丙丁聯之即直角方形

四十七題

凡三邊直角形對直角邊上所作直角方形與餘兩
邊上所作直角方形并等

解曰甲乙丙角形于對乙甲丙直角之乙丙邊上
作乙丙丁戊方形題言此方形與甲乙邊上所作
甲乙己庚及甲丙邊上所作甲丙辛壬兩方形并

等



論曰試從甲作甲癸直線
與乙戊平行分乙丙邊于

子次自甲至丁至戊各作

直線未自乙至辛自丙至己各作直線其乙甲丙



與乙甲庚既皆直角即庚甲甲丙是一直線

本卷十四

又丙乙戊與甲乙己既皆直角而每加一甲乙丙

角即甲乙戊與丙乙己兩角亦等又甲乙戊角形

之甲乙乙戊兩邊與丙乙己角形之己乙乙丙兩




邊等甲乙戊與丙乙巳兩
角既等則對等角之甲戊
與丙巳兩邊亦等而此兩
角形亦等矣夫乙庚方形

倍大于同乙巳底同在平行線內之丙乙巳角形
而戊子直角形亦倍大于同乙戊底同在平行線
內之甲乙戊角形則乙庚方形不與戊子直角形
等乎依顯丙壬與癸丙兩形亦等是戊丙一形與
乙庚丙壬兩形并等矣

一增凡直角方形之對角線上所作直角方形倍
大于元形

二增設不等兩方形一以甲為邊一以乙為邊求



別作兩方形自相等而并之又與元設兩
形并等法先作丙丁戊形令丙丁與甲等

丙戊與乙等而直角末于丁戊兩端各作半直角

兩腰遇于己而等則己必直角

本卷三二


即己戊己丁

上兩方形自相等并之又與甲乙上兩方形并等
論曰丁戊上方形與丁丙丙戊上兩方形并等又

與丁巳巳戌上兩方形并等是丁巳巳戌上兩方形并與丁丙丙戌上兩方形并亦等


三增多直角方形求并作一方形設不等五方形其邊為甲乙丙丁戌先作巳庚辛直角令巳庚與甲等辛庚與乙等次作巳辛線旋作巳辛壬直角

令辛壬與丙等次作巳壬線旋作巳壬癸直角令壬癸與丁等次作巳癸線旋作巳癸子直角令癸子與戌等末作巳子線即巳子線上所作方形為所求



論曰辛巳上方形與甲乙上兩方形并等巳壬上方形與甲乙丙上三方形并等餘倣此

四增甲乙丙三邊直角形以兩邊求第三邊長短之度如先得甲乙數六甲丙數八求乙丙之數其



甲乙甲丙上兩方形并既與乙丙上方形

等甲乙之冪三十六

方形自乘之數曰冪

甲丙之冪

六十四并之得百而乙丙之冪亦百開方

得十即乙丙之數也又設先得甲乙六乙丙十而求甲丙之數乙丙之冪百減甲乙之冪三十六餘

六十四開方得八即甲丙之數也求甲乙倣此

四十八題

凡三角形之一邊上所作直角方形與餘邊上所作
兩直角方形并等則對一邊之角必直角

幾何論約卷一

欽定四庫全書

幾何論約卷二之首

柘城杜知耕撰

界說二則

一界凡直角形之兩邊函一直角者為直角形之矩




線如甲乙偕乙丙函甲乙丙直角得此兩邊
即知直角形大小之度若別作兩線與甲乙

乙丙各等亦知丁乙直角形大小之度則兩線為

直角形之矩線

二界諸方形有對角線者其兩餘方形任偕一角線
方形為磬折形如乙丁方形不論斜直作甲丙對



角線從庚點作戊己辛壬兩線與方邊平
行而分本形為四方形其辛己戊壬為餘
方形辛戊己壬為角線方形兩餘方形任

與壬己一角線方形并形曲如磬謂之癸子庚磬
折形用戊辛角線方形倣此


欽定四庫全書

幾何論約卷二

柘城杜知耕撰

一題

兩直線任于一直線分為若干分其兩元線矩內直
角形與不分線偕諸分線矩內直角形并等



解曰甲與乙丙兩線任于乙丙三分之為
乙丁戊丙題言甲偕乙丙矩內形與甲偕
乙丁甲偕丁戊甲偕戊丙三矩內形并等

論曰乙巳全形即甲偕乙丙矩內形乙辛丁壬戌
巳三分形即甲偕乙丁丁戌戌丙三矩內形故三
分形并與全形等

二題

一直線任兩分之其元線上直角方形與元線偕兩
分線兩矩內形并等

三題

一直線任兩分之其元線任偕一分線矩內直角形
與分餘線偕一分線矩內直角形及一分線上直角

方形并等

解曰甲乙線任分于丙題言元線甲乙任偕一分

線甲丙矩內形

不論甲丙為大分為小分

與分餘丙乙偕甲丙

矩內形及甲丙上方形并等

論曰甲已為元線甲乙偕分線甲

丙矩內形甲丁為分線甲丙上方

形丙已為甲丙偕分餘線丙乙矩內形是甲丁及


丙已兩分形并與甲已全形等

四題



一直線任兩分之其元線上直角方形與各分線上
兩直角方形及兩分線矩內形二并等

解曰甲乙線任分于丙題言甲乙線上方形與甲
丙丙乙線上兩方形及甲丙偕丙乙丙乙偕甲丙
兩矩內形并等




論曰甲丁為甲乙元線上方形辛已為
甲丙上方形丙壬為丙乙上方形甲庚
庚丁俱甲丙偕丙乙矩內形也故四形并與甲乙
元線上甲丁方形等

系凡直角方形之角線形皆直角方形

五題

一直線兩平分之又任兩分之其任兩分線矩內形及分內線上方形并與平分半線上方形等

解曰甲乙線平分于丙又任分于丁其丙丁為分



內線

丙丁線者丙乙所以大于丁乙之較又甲丁所以大于甲丙之較故

曰分內線

題言甲丁丁乙矩內形及分內線

丙丁上方形并與丙乙線上方形等


論曰癸庚為丙丁上方形丁壬為丁乙

上方形丙辛辛巳為兩餘方自相等辛巳加一丁
壬則與丙壬等即與甲癸等甲癸加一丙辛即甲
丁偕丁乙矩內形豈不與卯寅丑磬折形等乎故
加一丙丁上癸庚方形與丙乙線上方形等

六題

一直線兩平分之又任引增一直線共為一全線其
全線偕引增線矩內形及半元線上方形并與半元
線偕引增線上方形等

解曰甲乙線平分于丙又從乙引增乙丁與甲乙



通為一全線題言甲丁偕乙丁矩內形及
半元線丙乙上方形并與丙丁上方形等
論曰甲癸與丙辛等又丙辛與辛戊等

卷一

三四即辛戊與甲癸亦等甲癸加一丙壬即甲丁偕
丁乙矩內形與卯寅丑罄折形等矣故加一乙丙
上癸庚方形與丁丙上丙戊方形等

七題



一直線任兩分之其元線上及任用一分線上兩方
形并與元線偕一分線矩內形二及分餘線上方形

并等

金匱要略

卷二

解曰甲乙線任分于丙題言元線甲乙上及任用



一分線甲丙上兩方形并

不論甲丙

為大分為小分

與甲乙偕甲丙矩內形

二及分餘線丙乙上方形并等

論曰甲丁為甲乙上方形辛己為甲丙上方形丙

壬為丙乙上方形甲己與辛丁皆甲乙偕甲丙矩

內形也兩矩內形及丙壬方形并與甲丁方形較

多一辛己方形故與甲乙及甲丙上兩方形并等

八題

一直線任兩分之其元線偕初分線矩內形四及分餘
線上方形并與元線偕初分線上方形等

解曰甲乙線任分于丙題言元線甲乙偕初分線丙

乙矩內形四

不論丙乙為大分為小分


及分餘線甲丙上方形并

與甲乙偕丙乙

一通作一線

上方形等

論曰丙己庚壬壬丁丁乙皆甲乙偕丙乙矩內形甲
子為甲丙上方形此五形并與甲乙偕丙乙上方形



全形也


等甲乙偕丙乙上方形即癸巳

九題

一直線兩平分之又任兩分之任分線上兩方形并倍
大于平分半線上及分內線上兩方形并

解曰甲乙線平分于丙又任分于丁題言甲丁丁乙
上兩方形并倍大于平分半線甲丙上分餘線

丙丁上兩方形并




論曰自丙作丙戊垂線與甲丙等次作甲
戊戊乙兩腰次從丁作丁巳垂線遇戊乙
于巳從巳作巳庚線與甲乙平行成戊庚
巳甲丙戊巳丁乙角形三皆兩腰等而直
角末作甲巳線成巳戊甲甲丁巳角形二
皆直角戊庚巳形之戊巳上方必倍大于巳庚上
方即倍大于等巳庚之丙丁上方甲丙戊形之甲
戊上方必倍大于甲丙上方又甲戊巳形之甲巳

上方與戊巳甲戌上兩方形并等即甲巳上方亦
倍大于甲丙丙丁上兩方形并又甲巳上方與甲
丁丁巳上兩方形并等即與甲丁及等丁巳之丁
乙上兩方形并等夫甲丁丁乙上兩方形并既等
于甲巳上方形必亦倍大于甲丙丙丁上兩方形并

十題

一直線兩平分之又任引增一線共為一全線其全
線上及引增線上兩直角方形并倍大于平分半線
上及分餘半線偕引增線上兩直角方形并



解曰甲乙線平分于丙又任引增乙丁題
言甲丁線上及乙丁線上兩方形并倍大
于甲丙線上及丙丁線上兩方形并


論曰自丙作丙戌垂線與甲丙等自戌至
甲至乙各作腰線次從丁作巳丁垂線引
長之又引長戌乙相遇于庚次作戌巳線

與丙丁平行成甲丙戊戊巳庚庚丁乙角形三各
兩腰等而直角末作甲庚線成甲戊庚甲丁庚角
形二皆直角甲丙戊形之甲戊上方必倍大于甲

丙上方戊巳庚形之戊庚上方必倍大于等戊巳
之丙丁上方又甲庚上方與甲戊戊庚上兩方形
并等即甲庚上方亦倍大于甲丙丙丁上兩方形
并又甲丁及等丁庚之丁乙上兩方形并與甲庚上
方形等是甲丁丁乙上兩方形并亦倍大于甲丙
丙丁上兩方形并矣

十一題

一直線求兩分之而元線偕初分線矩內形與分餘
線上方形等



法曰甲乙線求兩分之令元線偕初分

小線矩內形與分餘大線上方形等先

于甲乙線上作甲丙方形次平分甲丁于戊作戊

乙線次引戊甲線至己令戊己與戊乙等未截甲


乙于庚令甲庚與甲己等即甲乙偕庚乙矩內形

與甲庚上方形等為所求

論曰從庚作壬辛線與丁己平行次作己辛線與

甲庚平行庚丙為甲乙乙庚矩內形己庚為甲庚

上方形己壬為丁己偕甲己矩內形于己壬增一



等

本卷六

戊乙上方形又與戊甲甲乙

甲戊上方形必與等戊己之戊乙上方形

上兩方形并等是戊甲甲乙上兩方形并與己壬
及戊甲上方形并亦等矣次各減同用之戊甲上
方形所存甲丙己壬兩形不亦等乎再各減同用
之甲壬形所存甲乙乙庚矩內形丙即庚與甲庚上

方形即己必相等


此題所求即理分中
末線詳六卷三十

十二題

三邊鈍角形其對鈍角邊上方形大于餘邊上兩方

形并其較為鈍角旁任用一邊偕其引增線之與對角所下垂線相遇者矩內形二

解曰甲乙丙鈍角形乙為鈍角從餘角下一垂線



與鈍角旁一邊丙乙引增線遇于丁為直角題言對鈍角之甲丙邊上方


形大于甲乙乙丙兩邊上方形并其較為丙乙偕

乙丁矩內形二

論曰丙丁線任分于乙即丙丁上方形與丙乙乙

丁上兩方形及丙乙偕乙丁矩內形二并等

本卷四



甲丙上方形與甲丁丙丁上兩方形
并等即與甲丁乙丁丙乙上三方形
及丙乙偕乙丁矩內形二并等也又甲乙上方形
與甲丁乙丁上兩方形并等于甲乙上方形再增
一丙乙上方形而與甲丙上方形較仍胸丙乙偕
乙丁矩內形二也

十三題

三邊銳角形其對銳角邊上方形小于餘邊上兩
方形并其較為銳角旁任用一邊偕其對角所下垂

線旁之近銳角分線矩內形二



解曰甲乙丙銳角形從甲角向對邊

乙丙下一垂線分乙丙于丁題言對

丙銳角之甲乙邊上方形小于甲丙乙丙邊上方形并其較為乙丙偕丁丙矩內形二

論曰乙丙線任分于丁即乙丙及丁丙上兩方形

并與乙丙偕丁丙矩內形二及乙丁上方形并等

本卷又甲丙上方形與甲丁丁丙上兩方形并等

若甲丙乙丙上兩方形并必與乙丙偕丁丙矩內




形二及甲丁乙丁上兩方形并等又
甲乙上方形與甲丁乙丁上兩方形

并等即甲乙上方形與甲丙乙丙上兩方形較則
胸乙丙偕丁丙矩內形二矣

十四題

有直線形求作直角方形與之等



法曰甲無法四邊形求作方形與
之等先作乙丁形與甲等而直角
二卷 仕以丁丙邊引之至巳令丙
四五

已與乙丙等次平分丁巳于庚其庚點若在丙則
乙丁即是方形若在丙外即以庚為心丁為界作
丁辛巳半圓末于乙丙線引長抵圓界于辛即丙
辛上方形與甲等



論曰自庚作庚辛線庚辛上方形與庚丙丙辛上
兩方形并等又等庚辛之庚巳上方形與庚丙上
方形及丁丙偕等丙乙之丙巳矩內形

即乙丁形并等

本卷五此二率每減去同用之庚丙上方形所存乙

丁形與丙辛上方形安得不等

增題若先得方形之對角線所長于本形邊之較而求本形邊其較為甲乙先于甲乙上作甲丙方



形次作乙丁對角線引長至戊令丁戊與甲乙等即得乙戊線為所求

論曰依乙戊線作戊庚方形次引乙甲線至己末

作戊甲線其己甲丁己戊丁兩角必等

兩皆直角同減

去丁戊甲形所存己甲戊己戊甲兩角亦等角等

則己甲己戊兩腰必等故乙己角線大于戊己邊

之較為甲乙

耕曰前論止言當然而未及所以然今補一論以明之另作辛壬為乙巳角線上方形次作癸子丑寅兩形皆與庚戌等錯綜加于辛壬方形之上重疊一丑子方形而缺辰巳卯午相等兩方形凡兩方形并與角線上一方形等一卷四七增則丑子一形必與兩缺形并等次作辛未為卯午缺形之角線而辛未上方形必亦與兩缺形并等則丑子形之未丑邊與辛未線必等夫午未為方邊小于角線

之較與上圖甲乙等即與上圖丁戊等未丑與辛未等即與上圖丁乙等故并兩線為方邊

幾何論約卷二